



Stefna um sjálfbærni og samfélagsábyrgð

4. útgáfa

Markmið

Markmið stefnunnar er að gera grein fyrir áherslum Stefnis á sviði sjálfbærni og lýsa þeirri samfélagsábyrgð sem félagið hefur gengst við, bæði í eigin starfsemi og samkvæmt því umboði sem félaginu er falið við stýringu fjármagns. Stefnan tekur til skuldbindinga af hálfu Stefnis hvað varðar sjálfbærni, heimsmarkmið Sameinuðu þjóðanna, ábyrgra fjárfestinga og umhverfispætti, félagslega þætti og stjórnarhætti.


Stefna um sjálfbærni og samfélagsábyrgð gildir fyrir starfsemi Stefnis og sjóði í stýringu félagsins.

Yfirlýsing um sjálfbærni og samfélagsábyrgð

Ábyrgir og fjölbreyttir fjárfestingakostir auk ítarlegrar greiningar og upplýsingagjafar eru lykilatriði í framkvæmd og sýnileika þeirrar samfélagsábyrgðar sem Stefnir vill standa fyrir. Með því að stuðla að sjálfbærni í starfsemi Stefnis og fjárfestingum fyrir hönd viðskiptavina okkar miðum við að því að hámarka sjálfbært langtímavirði fyrir alla haghafa.

Ábyrgar fjárfestingar

Stefnir hefur leitast við að vera leiðandi á sviði ábyrgra fjárfestinga, enda er það sá vettvangur þar sem félagið getur haft hvað mest áhrif og skapað raunverulegt virði fyrir efnahagslífið og samfélagið í heild. Með ábyrgum fjárfestingum er átt við fjárfestingar þar sem tekið er tillit til umhverfispáttá, félagslegra þátta og stjórnarháttá (hér eftir „UFS þættir“). Markmið ábyrgra fjárfestinga er að draga úr áhættu og skila sjálfbærri ávöxtun til langs tíma. Stefnir getur í gegnum eignasöfn sjóða haft mikil áhrif, m.a. með því að samþætta UFS þætti í fjárfestingarferli sjóða í stýringu félagsins. Má í því samhengi sérstaklega nefna sérhæfðar fjárfestingar, en þar kemur félagið með beinum hætti að rekstri félaga. Stefnir er ábyrgur og virkur eigandi fjármagns fyrir hönd viðskiptavina sinna og fer með atkvæðisrétt á hluthafafundum og stuðlar að umræðu og fræðslu um ábyrgar fjárfestingar. Að auki veita fimm sjóðir Stefnis upplýsingagjöf undir 8. gr reglugerðar Evrópuþingsins og ráðsins (ESB) nr. 2019/2088 um sjálfbærni tengda upplýsingagjöf í fjármálaþjónustu (SFDR).





Umhverfispættir

Stefnir leggur áherslu á að halda neikvæðum umhverfisáhrifum af starfseminni í lágmarki og vill vera til fyrirmyndar í umhverfis- og loftslagsmálum. Mikilvægt er að félagið þekki hver umhverfisáhrif af starfsemi Stefnis eru og hvernig sé hægt að draga úr þeim. Félagið mælir kolefnisfótspor sitt árlega og upplýsir um það í ófjárhagslegum upplýsingum.

Stefnir kaupir viðurkenndar kolefniseiningar til bindingar þeirrar kolefnislosunar sem hlýst af losun í starfsemi félagsins m.a. vegna bílferða starfsmanna í og úr vinnu auk flugsamgangna.

Stefnir birtir einnig fjármagnaðan útblástur gróðurhúsalofttegunda frá eignum sjóða í rekstri Stefnis þar sem m.a. koma fram upplýsingar um losunarstyrk fyrir hverja 1 m.kr. fjárfesta í tilteknum sjóði.



Félagslegir þættir

Stefnir vill skapa jákvætt og hvetjandi vinnuumhverfi og styðja við starfsfólk í lífi og starfi. Rík áhersla er lögð á að laða að og halda í framúrskarandi starfsfólk. Hver og einn starfsmaður skal vera metinn óháð uppruna, þjóðerni, kyni, trú, lífsskoðun, fötlun, skertri starfsgetu, aldri, kynhneigð eða kynvitund.

Stefna um fjölbreytileika, jafnrétti og þátttöku og þau markmið sem í henni er að finna miða að því að Stefnir verði fyrirmyndarfélag sem tileinkar sér fjölbreytileika sem endurspeglar það samfélag og þá viðskiptavinum sem við þjónustum í daglegum störfum okkar.



Stjórnarhættir

Stjórn Stefnis telur góða stjórnarhætti vera veigamikinn þátt í árangri Stefnis sem leiðandi sjóðastýringarfyrirtækis á Íslandi. Góðir stjórnarhættir eiga að stuðla að réttum hvötum stjórnar og stjórnenda til að sækja þau tækifæri sem þjóna hagsmunum viðskiptavina, fyrirtækisins, hluthafa og almennings, jafnframt því sem góðir stjórnarhættir auðvelda einnig stjórn að sinna eftirlitshlutverki sínu á skilvirkan hátt til þess að ná markmiðum sínum á þessu sviði.

Stefnir er fyrirmyndarfyrirtæki í góðum stjórnarháttum og fylgir þeim lögum og reglum sem gilda um starfsemina, auk viðurkenndra leiðbeininga um stjórnarhætti fyrirtækja.



Skuldbindingar og frumkvæði Stefnis í sjálfbærni

Á árinu 2020 tók Stefnir þátt í að undirrita viljayfirlýsingu um fjárfestingar í þágu sjálfbærrar uppbyggingar. Félagið skuldbindur sig þar meðal annars til að til að birta stefnu um ábyrgar og sjálfbærar fjárfestingar og veita upplýsingar um leiðir í þessum efnum.

Stefnir er vikur þáttakandi í umræðu um ábyrgar fjárfestingar, m.a. í gegnum IcelandSIF, samtök um ábyrgar fjárfestingar á Íslandi, sem Stefnir er stofnaðili að. Stefnir er einnig aðili að PRI, helsta málsvara ábyrga fjárfestinga á heimsvísu, og skuldbindur sig þar með til að veita upplýsingar um hvernig tekið er tillit til UFS þátta við stýringu fjárfestinga.

Stefnir hefur sett sér Siðareglur birgja. Markmið þeirra viðmiða sem af reglunum leiða er að gera grein fyrir helstu áherslum Stefnis tengdar birgjum og stuðla að gagnsæi í innkaupum og þjónustu.

Siðareglunum er ætlað að gefa góða mynd af því til hvers við ætlumst af okkar birgjum varðandi umhverfi, fjölbreytileika og mannréttindi og stjórnarhætti.

Stefnir hefur jákvæð áhrif á nær samfélag sitt með stuðningi við ýmis [málefni](#).

Ábyrgð stefnu

Framkvæmdastjóri ber ábyrgð á að stefnunni sé fylgt, hún kynnt starfsfólki og haghöfum.

Endurskoðun stefnu, birting og gagnsæi

Stefna þessi er endurskoðuð eins oft og þurfa þykir af stjórn Stefnis og birt á heimasíðu félagsins. Í árlegri ófjárhagslegri upplýsingagjöf Stefnis sem byggir á UFS leiðbeiningum Nasdaq OMX má finna upplýsingar um umhverfispætti, félagslega þætti og stjórnarhætti í starfsemi Stefnis.

Sjálfbærni- og samfélagsskýrsla Stefnis er gefin út árlega, samhliða ársskýrslu stjórnar, í samræmi við alþjóðleg viðmið og yfirfarin af óháðum þriðja aðila.